


王臨川全集

~ 16
891
3



16
891
3



王臨川全集卷一

古詩

元豐行示德逢

四山翛翛映赤日田背坻如龜兆出湖陰先生坐草室看
踏溝車望秋實雷蟠電掣雲滔滔夜半載雨輪亭臯旱禾
秀發埋牛尻豆死更蘇肥莢毛倒持龍骨挂屋敖買酒澆
客追前勞三年五穀賤如水今見西成復如此元豐聖人
與天通千秋萬歲與此同先生在野故不窮擊壤至老歌
元豐

後元豐行

歌元豐十日五日一風雨麥行千里不見土連山沒雲皆

種黍水秧綿綿復多稔龍骨長乾挂梁椳鱒魚出網蔽洲
渚荻筍肥甘勝牛乳百錢可得酒斗許雖非社日長聞鼓
吳兒蹋歌女起舞但道快樂無所苦老翁塹水西南流楊
柳中間杙小舟乘興歌眠過白下逢人歡笑得無愁

夜夢與和甫別如赴北京時和甫作詩覺而有作因

寄純甫

水菽中歲樂鼎茵暮年悲同胞苦零落會合尚悽其况乃
夢乖闊傷懷而賦詩詩言道路寒乃似北征時叔兮今安
否季也來何遲中夜遂不眠輾轉涕流離老我孤主恩結
草以爲期冀叔善事國有知無不爲千里永相望昧昧我
思之幸唯季優游歲晚相攜持於焉可晤語水木有茅茨

畹蘭仁歸憇遠屋正華滋

純甫出釋惠崇畫要子作詩

畫史紛紛何足數惠崇晚出吾最許旱雲六月漲林莽移
我翛然墮洲渚黃蘆低摧雪翳土鳧鴈靜立將儔侶往時
所歷今在眼沙平水澹西江浦暮氣沈舟暗魚罟欹眠嘔
軋如聞虜頗疑道人三昧力異域山川能斷取方諸承水
調幻藥灑落生綃變寒暑金波巨然山數堵粉墨空多真
漫與大梁崔白亦善畫曾見桃花淨初吐酒酣弄筆起春
風便恐漂零作紅雨鷺流探枝婉欲語蜜蜂掇蘂隨翅股
一時二子皆絕藝裘馬穿羸久羈旅華堂豈惜萬黃金苦
道今人不如古

徐熙花

徐熙丹青蓋江左杏枝偃蹇花婀娜一見真謂值芳時安
知有人槃礴羸同朝眾史共排娼亦欲學之無自可錦囊
深貯幾春風借問此木何時果

燕侍郎山水

往時濯足瀟湘浦獨上九疑尋二女蒼梧之野煙漠漠斷
壠連岡散平楚暮年傷心波浪阻不意畫中能更覩燕公
侍書燕王府王求一筆終不與奏論讞死誤當赦全活至
今何可數仁人義士埋黃土祇有粉墨歸囊褚

陶縝菜

江南種菜漫阡陌紫芥綠菘何所直陶生畫此共言好一

幅往往黃金百北山老圃不外慕但守荒畦斲荆棘陶生
養日渠養腹各以所能為物役

己未耿天隲著作自烏江來予逆沈氏妹於白鷺洲

遇雪作此詩寄天隲

辛酉冬天隲復來誦之遂書於壁請天隲書所酬於右

朔風積夜雪明發洲渚淨開門望鍾山松石皓相映故人
過我宿未盡躋攀興而我方渺然長波一歸艇款段庶可
策柴荆當未暝與子出東岡墻西掃新徑

招約之職方并示正甫書記

往時江總宅近在青溪曲井滅非故桐臺傾尚餘竹池塘
三四月菱蔓芙蓉蘂蒲柳亦競時冥冥一川綠方坻最所
愛意謂可穿築欲往無舟梁長年寄心目故人晚得此心

事付草木消搖欄宇新攬結蹊隧熟更能適我願中水開
茆屋鬼營誅荒梗人境掃喧黷濠魚淨留連海鳥暖追逐
豈無方外客於此停高躅憶初桑落時要我豈非夙蠶眠
忽欲老一个未言速當緣東門水尚澀南浦舳吾廬雖隱
翳賞眺還自足橫陂受後澗直塹輪前瀆跳鱗出重錦舞
羽墮輒玉碧筩遞舒卷紫角聯出縮千枝孫嶧陽萬本母
淇澳滿門陶令株彌岸韓侯藪尚復有野物與公新聽矚
金鈿擁蕪菁翠被敷苜蓿蝦蟆能作技科斗似可讀樵軒
俯北渚花氣時度谷耘耨聊效顰締構行可績荒乘儻不
倦一晝敢辭卜雖無北海酒乃有平津肉儻儻仙李枝城
市久煩促寄聲與俱來蔭我臺上穀

同王潛賢良賦龜得升字

世傳一尾龜百齡此龜逮見隋唐興雖然天幸免焦灼想
屢縮頸愁巖凝前年赴海不量力欲替鼈負三峻嶒番禺
使君邂逅見知困簸蕩因嗟矜疾呼余且設網取以組系
首擺穿繩北歸與俱度大庾兩夫最屬苦不勝艤舩秦淮
擔送我云此一可當十朋昔人寶龜謂神物奉事槁骨尤
兢兢殘民滅國遞爭奪有此乃敢司黎蒸於時覩甲別貴
賤太卜藏法傳昆仍豈如元君須見夢初知歡喜得未曾
自從九江罷納錫眾漁賤棄秋不登卜人官廢亦已久果
獵誰復知殊稱今君此寶世莫識我亦坐視心曹曹楮牀
纔堪比瓦礫當粟孰肯捐斗升糝頭腥臊何足嗜曳尾污

穢適可憎盛洩除孽豈必驗蹈背出險安敢憑剡陽以占
幸無事卷殼而食病未能如聞翕息可視效乃往有墮崖
千層仰窺朝陽俯引氣亦得難老如岡陵諒能學此真壽
類世論妄以蟲疑冰嗟余老矣倦呼吸起晏光景難瞻承
但知故人所玩惜每戒異物相侵陵唯憂盜賊今好卜夜
半刦請無威懲復恐嚙夫負之走并竊老木爲薪烝淺樊
荒圃不可保守視且寄鍾山僧

示元度

營居半
山園作

今年鍾山南隨分作園囿鑿池構吾廬碧水寒可漱溝西
雇丁壯擔土爲培塿扶疎三百株蒔棟最高茂不求鸕鷀
實但取易成就中空一丈地斬木令結構五楸東都來斷

以遶簷溜老來厭世誼深臥塞門竇贖魚與之游餒鳥見
如舊獨當邀之子商略終宇宙更待春日長黃鸝弄清書

仲明父至宿明日遂行

初登張公門公子始冠幘於今見公子與我皆鬢白山林
坐語笑宛我在公側豈惟貌如之侃侃有公德憶公營懶
鄉許我歸作客我歸公既逝惆悵難再得得子如得公交
懷我忻戚漂搖將安往稅駕止一昔寤言且勿寐庶以永
今夕何時復能還裏飯治城宅

杏花

石梁度空曠茅屋臨清迴俯窺嬌嬈杏未覺身勝影媽如
景陽妃含笑墮宮井悒悵有微波殘粧壞難整

奉酬約之見招

君家段干木為義畏人侵馮軾信厚禮踰垣終徧心川坻
寧有此園屋諒非今雨過梅柳淨潮來蒲稗深種芳彌近
渚伐翳取遙岑清節亦難尚曠懷差易尋子猷憐水竹逸
少愜山林況復能招我親題漢上襟

寄吳氏女子

伯姬不見我乃今始七齡家書無虛月豈異常歸寧汝夫
綴卿官汝兒亦搢縉兒已受師學出藍而更青女復知女
功婉孌有典刑自吾捨汝東中父繼在廷小父數往來吉
音汝每聆既嫁可願懷孰如汝所可而吾與汝母湯熨幸
小停丘園祿一品吏卒給使令膏梁以晚食安步而車駟

山泉臯壤間適志多所經汝何思而憂書每說涕零吾廬
所封殖歲久愈華菁豈特茂松竹梧楸亦冥冥芰荷美花
實瀾漫爭溝涇諸孫肯來游誰謂川無舫姑示汝我詩知
嘉此林壑末有擬寒山覺汝耳目熒因之授汝季季也亦
淑靈

贈約之

君曾寒而瘧我齒熱以搖無方可採藥相值久無膠欲尋
秦越人魂逝莫能招但當觀此身不實如芭蕉

寄楊德逢

山樊老憚暑獨寤無所適湖陰宛在眼曠若干里隔遙聞
青秧底復作龜兆坵占歲以知子將勤而後食穿溝取西

港此計當未獲脩脩兩龍骨豈得長掛壁晤言久不嗣作
苦何時息炎天不可觸悵望新春白

再次前韻寄楊德逢

一雨洗炎烝曠然心志適如輪浮海幢滅火十八隔俯觀
風水涌仰視電雲圻知公開霽後過我言不食翻然陂路
長泥淖困臧獲明明吾有懷如日照東壁莫逢田父歸倚
杖問消息渠來那得度南蕩今已白

仲明父不至

張名軒民仲
明父其父也

月出映溝坻煙升隱墟落寒魚占窟聚暝鳥投枝泊亭臯
閑晚市隴首歸新穫仁子終不來青燈耿林壑

與呂望之上東嶺

靖節愛吾廬猗玕樂吾耳適野無世誼吾今亦如此紛紛
舊可厭俗子今掃軌使君氣相求眷顧未云已追隨上東
嶺俯仰多可喜何以況清明朝陽麗秋水微雲會消散豈
久汙塵滓所懷在分衿藉草淚如洗

與望之至八功德水

念方與子違懔恍夜不眠起視明星高整駕出東阡聊爲
山水遊以寫我心悵知子不鋪糟相與酌雲泉

要望之過我廬

念子且行矣要子過我廬汲我山下泉煮我園中蔬知子
有仁心不忍釣我魚我池在人境不與獮獺居亦復無蟲
蛆出沒爭腐餘食罷往遊觀鱣鱣藻與蒲清波映白日擺

尾揚其鬚豈魚有此樂而我與子無擊壤謠聖時自得以
爲娛

聞望之解舟

子來我樂只子去悲如何謂言且少留大舸已淩波聞豔
雖莫測皇明邁羲娥修門歸有時京水非汨羅

法雲

法雲但見脊細路埋桑麻扶輿度燄水窈窕一川花一川
花好泉亦好初晴漲綠深於草汲泉養之花不老花底幽
人自衰槁

彎碣

殘暑安所逃彎碣北牕北伐翳作清曠培芳衛岑寂投衣

挂青枝敷簟取一息涼風過碧水俯見遊魚食永懷少陵
詩菱葉淨如拭誰當共新甘紫角方可摘

月夜二首

山泉墮清陂陂月臨靜路惜哉此佳境獨賞無與晤埭口
哆陂陰要予水西去呼僮擁草垞復使東南注

二

蹋月看流水水明搖蕩月草木已華滋山川復清發褰裳
伏檻處綠淨數毛髮誰能挽嫦娥俯濯淩波鞵

兩山間

自予營北渚數至兩山間臨路愛山好出山愁路難山花
如水淨山鳥與雲閒我欲拋山去山仍勸我還祇應身後

王臨川全集卷一
塚亦是眼中山且復依山住歸鞍未可攀

王臨川全集卷一終

王臨川全集卷二

古詩

題南康晏使君望雲亭

南康父老傳使君疾呼急索初不聞未嘗遣汲谷廉水三
歲只望香爐雲雲徐無心澹無滓使君恬靜亦如此飄然
一去掃遺陰便覺歎煩悵千里歸田負戴子與妻圃蔬園
果西山西出門亭臯百頃綠望雲纔喜雨一犁我知新亭
望雲好欲斲比鄰成二老莫嫌雞黍數往來爲報襄陽德
公嫂

游亭

朝尋東郭來西路歷游亭眾山若怨思慘淡長眉青迸水

泣幽咽復如語丁寧豈予久忘之而欲我小停歇鞍松柏
間坐起俯軒櫺秋日幸未暮奈何語冥冥

光宅寺

翛然光宅淮之陰扶輿獨來止中林千秋鐘梵已變響十
畝桑竹空成陰昔人倨堂有妙理高座翳遶天花深紅葵
紫萸復滿眼往事無跡難追尋

春日晚行

門前楊柳二三月枝條綠烟花白雪呼僮羈我果下騮欲
尋南岡一散愁緣岡初日溝港淨與我門前綠相映隔淮
仍見裊裊垂伫立悵去年時杏花園西光宅路草暖沙
晴正好渡興盡無人檝迎我卻隨倦鴉歸薄暮

新花

老年少忻豫况復病在牀汲水置新花取慰此流芳流芳
祇須與我亦豈久長新花與故吾已矣兩可忘

四皓二首

四皓秦漢時招招莫能致紫芝可以飽梁肉非所嗜谷廣
水渙渙山長雲泄泄與其貴而拘不若賤而肆

二

秦毆九州逃知力起經綸重利誘眾策頗知聚秦民頽然
此四老上友千載魂采芝商山中一視漢與秦靈珠在泥
沙光景不可昏道德雖避世餘風迴至尊嫡孽一朝正留
侯果知言出處但有禮廢興豈所存

真人

予常值真人能藏毒而寧能納穢若淨能易羶使馨能解
身赫赫能逆知冥冥日唯汝心櫻而汝耳目熒廓然而無
營其孰擾汝靈神奇實主汝厥通莫之令嘻予豈不知黃
帝與焦螟死心而廢形乃可少聞靈顧今親邁之於吾獨
剽聆刳心事斯語自做以書銘

寄蔡氏女子二首

建業東郭望城西垓千嶂承宇百泉遶靄青遙遙兮纒屬
綠宛宛兮橫逗積李兮縞夜崇桃兮炫晝蘭馥兮眾植竹
娟兮常茂柳蕙綿兮含姿松偃蹇兮獻秀鳥跂兮下上魚
跳兮左右顧我兮適我有班兮伏獸感時物兮念汝遲汝

歸兮攜幼

二

我營兮北渚有懷兮歸女石梁兮以苦蓋綠陰陰兮承宇
仰有桂兮俯有蘭嗟汝歸兮路豈難望超然之白雲臨清
流而長嘆

夢黃吉甫

夢傳失之妄一作悲畫莫見而想豈伊不可懷而使我心往
山林老顛眴數日占黃壤舟輿來何遲北望屢懍况西城
薺花時落魄隨兩槩歲晚洲渚淨水消煙渺莽躊躇壁上
字期我無乃迂

遊土山示蔡天啟祕校

定林瞰土山近乃在眉睫誰謂秦淮廣正可藏一牒朝予
欲獨往扶憊強登涉蔡侯聞之喜喜色見兩頰呼鞍追我
馬亦以兩黥挾斂書付衣囊裏飯隨藥笈恻恻阿蘭若土
木老山脅鼓鐘臥空曠篋簞雕捷業外堂廊無主者擊誰
敢輒坡陀謝公冢藏椁久穿劫百金買酒地野老今行饑
絢懷起東山勝踐北稠疊於時國累卵楚夏血常喋外寶
備艱梗中仍費調燮公能覺如夢白喻一蝴蝶桓溫適自
斃苻堅方天厭且可緩九錫寧當快一捷彼哉斗筭人得
喪易矜怯妄言屐齒折吾欲刊史牒傷心新城埭歸意終
難愜漂搖五城舟尚想浮河楫千秋隴東月長照西州堞
豈無華屋處亦捉蒲葵箠碎金諒可惜零落隨秋葉好事

所傳玩空殘法書帖清談眇不嗣陳迹恍如接東陽故侯
孫少小同鼓篋一官初嶺海仰視飛鳶跼窮歸放款段高
臥停遠蹠牽襟肘卽見著帽耳纔摩數椽危敗屋爲我炊
陳氈雖無膏污鼎尚有羹濡筴縱言及平生相視開笑厲
邯鄲枕上事且飲且田獵或昏眠委翳或妄走超躡或叫
號而寤或哭泣而魘幸哉同聖時田里老安帖易牛以寶
劔擊壤勝彈鋏追憐衰晉末此土方岌業強偷須臾樂撫
事終愁慄予雖天戮民有械無接摺翁今貧而靜內熱非
復葉予衰極今歲儻與雞夢協委蛻亦可恨吾兒已長鬣
翁雖齒長我未見白可鑷祝翁尚難老生理歸善攝久留
畏年少譏我兩帖囁東火扶路還宵明狐兔懾蔡侯雄俊

士心燎形亦謀異時能飛鞍快若五陵俠胡爲阡陌間踈
足僅相躡諒欲交轡語怯子不能嚼

再用前韻寄蔡天啟

蔡侯東方來取友無所挾脩脩一囊衣偶以一書笈定林
朝自炊有匕或無筴時時羹藜藿鑊大苦難變驕頑遂敢
侮有甚觀駢脅澹然山谷中變色未嘗輒始見類欺魄寒
暄粗訓接從容與之語爛漫無不涉奇經可治疾祕祝可
解魘巫醫之所知瞽史之所業載車必百兩獨以方寸攝
微言歸易悟疾若髭赴鑷天機信卓越學等何足躡縱談
及旣往每與唐許協揚雄尚漢儒韓愈真秦俠好大人謂
狂知微乃如謀惟知造文字人惑鬼愁懾秦愚旣改學新

眊仍易疊六書遂失指隸草矜敏捷誰珍檀山刻共賞蘭
亭帖東京一祭酒收拾偶子愜少嘗妄思索老懶因退怯
侯方習篆籀寸管靜嘗摩深原道德意助我耕且獵昔功
恐唐捐異味今得鮓京口媚學子追師嘗劫劫陸贏淮汴
糧水餽湖海艤遠求而近遺如目不見睫僞鳳易悅楚眞
龍反驚葉間子再三歎往往心不厭或自逸而走或吐而
不嚼或嗤元郎漫或訛白翁赫鑠金徒欲消韞玉豈愁泥
賢愚有定分咄汝無喋喋跨鞍隨我遊曳屣聯我跼照泉
澗清泚跋石緣鬼業東陂數儵魚西崦追蛺蝶翳林窺搏
黍藉草聽批頰黃尋遠蓮鬚紅閱鄰杏曆荏苒光景流楊
園忽無葉扶痾歸未久吾見喜寧帖褰裳告我去祿仕當

隨牒蕭晨秣款段歸騎得追躡謂言循東路覆出西城堞
行矣忍羈旅無魚勿彈鋏天閑久索驥駿足方騰蹠長驅
勿驕矜小踬亦勿喋鵬飛九萬里勿借風一筭溟波浩難
窮勉自養鱗鬣爵祿實天械功名爲接摺寧能復與我搖
漾秦淮楫附書勿辭頻隔歲期滿篋

用前韻戲贈葉致遠直講

葉侯越著姓胄出實楚葉縉雲雖窮遠冠蓋傳累葉心大
有所潛肩高未嘗脅飄飄凌雲意強禦莫能懾辟雍海環
流用汝作舟楫開胷出妙義可發矇起魘詞如太阿鋒誰
敢觸其缺聽之心凜然難者口因嚼搏飛欲峩峩綴墮今
跼跼忘情塞上馬適志夢中蝶若金靜無求在冶惟所挾

載醪但彼惑饋漿非我謀經綸安所施有寓聊自愜某經
看在手某訣傳滿篋坐尋某勢打側寫某圖貼攜持山林
屐刺擿溝港牒一枰嘗自副當熱寧忘箠反嗤襪穢子但
守一經笈亡羊等殘生朽筴何足惜歡然值手敵便與對
匕筴縱橫子墮局膈膊聲出喋樵父弛遠擔牧奴停晏饁
旁觀各技癢竊議兒女囁所矜在得喪聞此更心懔熟視
籠兩手徐思撚長鬣微吟靜愔愔堅坐高帖帖未快巖谷
叟斧柯嘗爛浥趨邊耻局縮穿腹愁危業或撞關以攻或
覷眼而摩或羸行伺擊或猛出追躡垂成忽破壞中斷俄
連接或外示閒暇伐事先和燮或冒突超越鼓行令震疊
或粗見形勢驅除令遠蹠或開拓疆境欲并包總攝或僅

殘方寸如黑子著罽或橫潰解散如尸僵血喋或慙如告
亡或喜如獻捷陷敵未甘虜報仇方借俠諱輸寧斷頭悔
悞乃批頰終朝已罷精旣夜未交睫翻然悟且歎此何宜
劫劫孟軻惡妨行陶侃懲廢業揚雄有前言韋曜存往牒
晉臣抑帝手按侯何啻涉治城子爭道拒父乃如輒爭也
實逆德豈如私鬪怯藝成況窮苦此殆天所厭如今劉與
李倫等安可蠟試令取一毫亦之寸金鑄以此待君子未
與回參協操具投諸江道耕而德獵

白鶴吟示覺海元公

白鶴聲可憐紅鶴聲可惡白鶴靜無匹紅鶴喧無數白鶴
招不來紅鶴揮不去長松受穢死乃以紅鶴故北山道人

曰美者白美吾何爲而喜惡者自惡吾何爲而怒去自去
耳吾何闕而追來自來耳吾何爲而拒吾豈厭喧而求靜
吾豈好丹而非素汝謂松死而無依邪吾方捨陰而坐露

示安大師

道人深北山爲家宴坐白露眠蒼霞手扶稅杖雖老矣走
險尚可追麀麀踞堂俯視何所有窈窕樛木垂枳植深尋
石路仍有栗持以饋我因烹茶

示寶覺

宿雨轉歎煩朝雲擁清迴蕭蕭碧柳輓脉脉紅蕖靚默臥
如有懷荒乘豈無興幽人適過我共取牆陰徑

定林示道原

昨登定林山俯視東南陔但見一方白莫知所從來濕銀
注寒晶奩以青培堆迢迢晻靄中疑有白玉臺是夕清風
興煩雲豁然開嫦娥攀桂枝顧影久徘徊杖藜忽高秋陳
迹與子陪壯觀非復昔平蕪夜莓苔

我所思寄黃吉甫

我所思兮在彭蠡一奩寒晶徑千里天低緋滑風靜止月
澹星渟尤可喜亦復可憐波浪起琉璃崩嵌湧顛繁萬斛
之舟簸一葦超邑越都如歷指岍沙雪積山雲委雲半飛
泉挂龍尾跳空散作平地水牛乳芳甘那得比蘿葛冥冥
蔭演迤稍上尋源出奇詭像圖釋迦祠老子臺殿晻靄相
重累石槽環除逗清泚松竹靚深無虎虺其徒儻然棄塵
滓雖未應真終適已黃侯可與談妙理視棄榮宦猶敝屣
每採紫芝求石髓我欲從之勸遊徙穀城公孫能若此五
老聞之當啟齒寄聲五老吾念爾相見無時老將死

寄朱昌叔

西安春風花幾樹花邊飲酒今何處一杯塞上看黃雲萬
里寄聲無雁去世事紛紛洗更新老來空得滿衣塵青山
欲買江南宅歸去相招有此身

與僧道昇二首

昇也初見我膚腴仍潔白今何苦而老手脚皴以黑聞有
道人者於今號禪伯黝汝以一句西歸瘦如腊汝觀青青
枝歲寒好顏色此松亦有心豈問庭前柏

跋陀羅師能幻物幻穢爲淨持幻佛佛幻諸天以戲之幡
幡香果助設施茫然悔欲除所幻還爲幻佛力所持佛天
與汝本無間汝今何恭昔何慢十方三世本來空受記豈
非遭佛幻

贈彭器資

鄱水滔天竟東注氣澤所鍾賢可慕文章浩渺足波瀾行
義迢迢有歸處中江秋浸兩崖間遡洄與我相往還我挹
其清久未竭復得縱觀於波瀾放言深入妙雲海示我僊
聖本所寰楞伽我亦見髣髴歲晚所悲行路難

贈王居士

武林王居士與子俱學佛以財供佛事不自費一物

贈李士雲

李子山水人而常寓城郭毫端出窈窕心手初不著我聞
大梵天擎跨雞孔雀執鈴揚赤幡浩劫淨無作佳哉子能
圖可以慰寂寞相與驗其真他年在寥廓

王臨川全集卷二終

王臨川全集卷三

古詩

題半山寺壁二首

我行天卽雨我止雨還住雨豈爲我行邂逅與相遇

二

寒時暖處坐熱時涼處行眾生不異佛佛卽是眾生

定林寺

眾木凜交覆孤泉靜橫分楚老一枝筇於此傲人羣城市少美蔬想今因煖焚且憑東北風持寄嶺頭雲

題定林壁

定林自有主我爲林下客客主各有心還能共岑寂

移桃花示俞秀老

舍南舍北皆種桃東風一吹數尺高枝柯蔦綿花爛漫美
錦千兩敷亭臯晴溝漲春綠周遭俯視紅影移漁舸山前
邂逅武陵客水際髣髴秦人逃攀條弄芳畏晚晚已見黍
雪盤中毛仙人愛杏令虎守百年終屬樵蘇手我哀此果
復易朽蟲來食根那得久瑤池紺絕誰見有更入花時且
進酒君來醕酌相隨否

對基與道源至草堂寺

北風吹人不可出清坐且可與君基明朝投局日未晚從
此亦復不吟詩

書八功德水庵

幽獨若可厭真實爲可喜見山不礙目聞水不逆耳翛然
無所爲自得而已矣

放魚

捉魚淺水中投置最深處當暑脫煎熬翛然泳而去豈無
良庖者可使供匕箸物我皆畏苦舍之寧啖茹

霾風

霾風摧萬物暴雨膏九州卉花何其多天闕亦已稠白日
不照見乾坤莽悲愁時也獨奈何我歌無有求

偶書

惠施說萬物繫特忘一句寄語讀書人嗶嗶非一處

卽事二首

雲從鍾山起卻入鍾山去借問山中人雲今在何處

二

雲從無心來還向無心去無心無處尋莫覓無心處

擬寒山拾得二十首

牛若不穿鼻豈肯推人磨馬若不絡頭隨宜而起臥乾地
終不涸平地終不墮擾擾受輪迴祇緣疑這箇

二

我曾爲牛馬見草豆歡喜又曾爲女人歡喜見男子我若
眞是我祇合長如此若好惡不定應知爲物使堂堂大丈夫
莫認物爲己

三

凡夫當夢時眼見種種色此非作故有亦非求故獲不知
今是夢道我能畜積貪求復守護嘗怕水火賊自覺方自
悟本空無所得死生如覺夢此理甚明白

四

風吹瓦墮屋正打破我頭瓦亦自破碎豈但我血流我終
不噴渠此瓦不自由眾生造眾惡亦有一機抽渠不知此
機故自認愆尤此但可哀憐勸令眞正脩豈可自迷悶與
渠作冤讐

五

若言夢是空覺後應無記若言夢非空應有眞實事燔燒
陽自招沈溺陰自致令汝嘗驚魘豈知安穩睡

六
人人有這箇這箇沒量大坐也坐不定走也跳不過鋸也
解不斷鎚也打不破作馬便搭鞍作牛便推磨若問無服
人這箇是甚麼便遭伊纏繞鬼窟裏忍餓

七
我讀萬卷書識盡天下理智者渠自知愚者誰信爾奇哉
閑道人跳出三句裏獨悟自根本不從他處起

八
幸身無事時種種妄思量張三袴口窄李四帽簷長失腳
落地獄將身投鏊湯誰知受熱惱卻不解思涼

九
有一卽有二有三卽有四一二三四五有亦何妨事如火
能燒手要須方便智若未解傳薪何須學鑽燧

十
昨日見張三嫌他不守已歸來自悔責分別亦非理今日
見張三分別心復起若除此惡習佛法無多子

十一
傀儡祇一機種種沒根栽被我入棚中昨日親看來方知
棚外人擾擾一場歎終日受伊謾更被索錢財

十二
李生坦蕩蕩所見實奇哉問渠前世事答我燒炭來炭成
能然火火過卻成灰灰成卽是土隨意立根栽

十三

眾生若有我我何能度脫眾生若無我已死應不活眾生
不了此便聽佛與奪我無我不二四天王獻鉢

十四

莫嫌張三惡莫愛李四好既往念卽晚未來思又早見之
亦何有歘然如電掃惡既是磨滅好亦難長保若令好與
惡可積如財寶自始而至今有幾許煩惱

十五

失志難作福得勢易造罪苦卽念快樂樂卽生貪愛無苦
亦無樂無明亦無昧不屬三界中亦非三界外

十六

打賊賊恐怖看客客喜歡亦有客是賊切莫受伊謾樂哉
貧兒家無事役心肝旣無賊可打豈有客須看

十七

有一種貧兒不能自營生若不作客走卽須隨賊行復有
一種貧常時腹彭亨若有亦不畜若無亦不營

十八

汝無名高者以見利貪叨汝無行實者以取著名高行實
尚非實利名豈堅牢一朝投土窟魂魄散迢迢

十九

勇有孟施舍能無懼而已若人學佛法勇亦當如此休來
講座下莫入禪門裏但能一切捨管取佛歡喜

利曠汝刀山濁愛汝灰河汝癡分別心卽汝澹魔羅圓成
但一性一切法依他徧了一切法不如且頭陀

自遣

閉戶欲推愁愁終不肯去底事春風來留愁愁不住

自喻

岸涼竹娟娟水淨菱帖帖鰕搖浮遊鬚魚鼓嬉戲鬣釋杖
聊一榻褰裳如可涉自喻適志歟翩然夢中蝶

古意

采芝天門山寒露淨毛骨帝青九萬里空洞無一物傾河
略西南晶射河鼓沒蓬萊眼中見人世歎超忽當時棄桃

核聞已撐月窟且當呼阿環乘興弄溟渤

吾心

吾心童稚時不見一物好意言有妙理獨恨知不早初聞
守善死頗復吝肝腦中稍歷艱危悟身非所保猶然謂俗
學有指當窮討晚知童稚心自足可忘老

無營

無營固無尤多與亦多悔物隨擾擾集道與翛然會墨翟
真自苦莊周吾所愛萬物皆自得此言真可佩

病起

稚金敷新涼老火弛殘濁桃枝煖泐忍散髮晞曉捉煩疴
脫然愈靜若遺身覺移榻欹獨眠欣佳恐難數

獨歸

鍾山獨歸雨微冥稻畦夾岡半黃青疲農心知水未足看
雲倚木車不停悲哉作勞亦已久暮歌如哭難爲聽而我
官閑幸無事北窗枕簟風泠泠於時荷花擁翠蓋細浪翻
雪千娉婷誰能歆眠共此樂秋港雖淺可揚舩

獨臥有懷

午鳩鳴春陰獨臥林壑靜微雲過一雨淅瀝生晚聽紅綠
紛在眼流芳與時競有懷無與言伫立鍾山暝

無動

無動行善行無明流有流種種生住滅念念聞思修終不
與法縛亦不著僧裘

夢

知世如夢無所求無所求心普空寂還似夢中隨夢境成
就河沙夢功德

車載板二首

荒哉我中園珍果所不產朝暮惟有鳥自呼車載板楚人
聞此聲莫有笑而莞而我更歌呼與之相往返視遇若搏
黍好音而睨眈攘攘生死夢久知無所揀物弊則歸土吾
歸其不晚歸歟汝隨我可相蒿里挽

二

鳥有車載板朝暮嘗一至世傳鵬似鴉而此與鴉似唯能
預人死以此有名字疑卽賈長沙當時所遭值洛陽多少

王臨川全集卷三
年擾擾經世意粗聞方外語便釋形骸累吾衰久捐書放
浪無復事尚自不見我安知汝爲異憐汝好毛羽言音亦
清麗胡爲太多知不默而見忌楚人旣憎汝彈射將汝利
且長隨我遊吾不汝羹馘

跋黃魯直畫

江南黃鶴飛滿野徐熙畫此何爲者百年幅紙無所直公
每玩之常在把

過楊德逢莊

攜僧出西路日晏昧所投循河望積穀一飽覺易謀稚子
舉椀出咄嗟見盤羞飯新秔有香煮菜旨且柔暮從秀嶺
歸秣蹇得少留捧腹笑相語果然無所求

秋熱

火騰爲虐不可摧屋窄無所逃吾骸織蘆編竹繼欄宇架
以松櫟之條枚豈惟賓至得清坐因有餘地蘇陪臺愆陽
陵秋更暴橫炊我欲作昆明灰金流玉燭何足怪烏焚魚
爛爲可哀憶我少時亦值此儵然但以書自埋老衰奄奄
氣易奪撫卷豈復能低徊西風忽送中夜濕六合一氣窰
新開簾窗幕戶便防冷且恐霰雪相尋來

秋早

暮尋蔡墩西獨覺秋尚早山路葩卉繁野田風日好禪林
鳥未泊經屋塵初掃蠻藤五花簞復足休吾老

王臨川全集卷三終

臨川全集卷四

古詩

同沈道源遊入功德水

寒雲靜如癡寒日慘如戚解鞍寒山下共坐寒水側新甘
出短綆一酌煩可滌仰攀青青枝木醴何所直

望鍾山

伫立望鍾山陽春更蕭瑟暮尋北郭歸故遶東岡出

思北山

日日思北山而今北山去寄語白蓮庵迎我青松路

上南嶺

暮鳩屋荒涼寒陂水清淺捐書息微倦委轡隨小蹇偶攀

黃黃柳卻望青青嘯幽尋復有興未覺西林晚

謝公墩

走馬白下門投鞭謝公墩昔人不可見故物尚或存問樵
樵不知問牧牧不言摩挲蒼苔石點檢屐齒痕想此絳長
檣想此倚短轅想此玩雲月狼籍盤與罇并逕亦已沒漫
然禾黍村摧藏羊曇骨放浪李白魂亦已同山丘緬懷蒔
蘭蓀小草戲陳迹甘棠詠遺恩萬事付鬼籙恥榮何足論
天機自開闔人理孰畔援公色無懼喜儻知禍福根涕淚
對桓伊暮年無乃昏

秋夜泛舟

池塹秋水淨扁舟遡涼颯的皪荷上珠俯映疎星搖深尋

畏魚淪中路且回橈冥冥菰蒲中乃復有驚跳

和耿天驕同遊定林

道人深閉門二客來不速攝衣負朝暄一笑皆捧腹逍遙
煙中策放浪塵外躡晤言或世聞誰謂非絕俗

次韻約之謝惠詩

魚跳桑柳陰鳥落蒲葦側已無谿姑祠何有江令宅故人
眈田里老脫尚方舄開亭捐百金於此掃塵迹地偏人罕
至心遠境常寂我行西州旋稅駕候顏色相隨望南山水
際因一息公時指岸木謂此可尋尺伐之營中泚持用自
怡懌懽言俟其成邀我堂上食百憂每多違一諾還自惕
春風欄檻新坐久膝前席翛然忘故約北郭疑有適長謠

舒永懷仁想對以臆摛辭甚有理竊比書石鷓知公不欺
我把玩果心惻嘉肴既夙設麗藻仍虛擲左車公自迎右
券吾敢責聞說芼羹臠芬香出鄰壁婦休機杼事兒失刀
槩職何膠膠擾擾而紛紛籍籍携持欲一往繼此方如織
元龍但高眠司馬勿親滌幾能孩童舊握手皆鬢白有興
卽聯鑣東阡與南陌

次韻舍弟江上

岸紅歸欲稠渚綠合猶晚晴沙上屐輕暖水隨帆遠吹波
戲魚動掠葉飛禽返著意覓幽蹊桃花悞劉阮

酌王濬賢良松泉二詩

松

世傳壽可三松倒此語難爲常人道人能百歲自古稀松
得千年未爲老我移兩松苦不早豈望見渠身合抱但憐
眾木總漂搖顏色青青終自保免絲苳苓會常有邂逅食
之能壽考不知篝火定何人且看森垂覆荒草君詩愛我
亦古意秀眉昔比南山栲復謂留侯不及我人或笑君無
白草求仙辟穀彼誠悞未見赤松饑已槁豈如強飯適志
遊封殖蒼官蔭華皓赤松復自無持操上下隨烟何慙慙
蒼官受命與舜同真可從之忘髮縞詩雖祝我以再黑積
雪已多安可掃試問蒼官值歲寒戴白孰與蒼然好

泉

宋興古剎今長干靈躍臺殿荒檀欒二泉相望棄不濞西

泉尚案三石槃其流散漫爲沮洳稍集小礫生微瀾東泉
土梗久蔽塞穿治乃見甃甃完道人慈哀波及遠溝蕩兩
取合上山山前灌輸各自足輓轡罷轉井口閑取遙比甘
覺近美與舊爭冽知新寒蟲蟲夏秋百源乾抱甕復道愁
蹒跚疾須橫逗勢未足嗟此善利何時殫慮長易脆有大
檀伐堅羌廬窟孱顏金多匠手宜出巧風水千里安知難
沒羽之虎行林間籜龍失職因藏跽循除靜投悲瑟瑟映
瓦微見清潺潺三年營之一日就有口共以成爲懽論功
信可多後觀何似當時萬竹蟠

答俞秀老

諸偶緣安有實相非相偶雖神如季咸終亦失而走

清涼寺送王彥魯

空懷誰與論夢境偶相值莫將漱流齒欲挂功名事

送惠思上人

黃鶴撫四海翻然落中州一聽笙與鏞低徊如有求飛鳴
阿閣上好與鳳皇遊顧憐魯東門無事反悲愁歲晏忽驚
矯問胡不少留因知網羅外猶有稻粱謀

老景

袁古
人名

老景春可惜無花可留得繞屋褚先生蕭蕭何所直每嫌
柳渾青追悵李太白多謝安石榴向人紅藥拆

雜詠八首

萬物余一體九州余一家秋毫不爲小徼外不爲遐不識

壽與天不知貧與賒忘心乃得道道不去紛拏近迹以觀之堯舜亦泥沙莊周謂如此而世以爲夸

二

神龍參可致猛虎擾亦留變生父子間上聖不能謀常情在欲得義養或成仇他人恩更輕患禍信難周

三

古風致遜悌斑白見尊優薄俗謬爲恭獨在勢權尤伏波迷俯仰愛禮坐成仇斷斷洙泗間豈是老者羞

四

羔豚窘虎豹鳩雀窮鷹鷂巧者且機弋鷲猛還拘攣論功莫如神論大莫如天悲哉區區人乃欲逃其間

五

黃雀死彈丸厥臯在啄粟翠鷓不近人何爲亦窮辱材爲世所利高下同僵仆能逃天地間蟻蠓無不足

六

關雎后之淑棧樸王之明免置尚好德況乃公與卿所以彼行葦敦然遂其生誰能絃者歌爲我發古聲

七

召公方伯尊材亦聖人亞農時憚煩民聽訟甘棠下嗟今千室長已恥問耕稼彈琴高堂上欲以世爲化

八

任公蹲海濱一釣飽千里用力已云多鉤緝亦難理巨魚

暖更逃壯士饑欲死游儵不好數空滿滄浪水

張良

留侯美好如婦人五世相韓韓入秦傾家爲主合壯士博浪沙中擊秦帝脫身下邳世不知舉國大索何能爲素書一卷天與之穀城黃石非吾師固陵解鞍聊出口捕取項羽如嬰兒從來四皓招不得爲我立棄商山芝洛陽賈誼才能薄擾擾空令絳灌疑

司馬遷

孔鸞負文章不忍留枳棘嗟子刀鋸間悠然止而食成書與後世憤俳聊自釋領略非一家高辭殆天得雖微樊父明不失孟子直彼欺以自私豈帝相十百

諸葛武侯

漢日落西南中原一星黃羣盜伺昏黑聯翩各飛揚武侯當此時龍臥獨摧藏掉頭梁甫吟羞與眾爭光邂逅得所從幅巾起南陽崎嶇巴漢間屢以弱攻強暉暉若長庚孤出照一方勢欲起六龍東迴出扶桑惜哉淪中路怨者爲悲傷豎子祖餘策猶能走强梁

讀墨

誰爲堯舜徒孔子而已矣人皆是堯舜未必知孔子伯夷不辱身柳下援而止孔子尚有言我則異於是兼愛爲無父排斥固其理孔墨必相用自古寧有此退之嘲魯連顧未知之耳如何蔽於斯獨有見於彼凡人工自私翟也信

奇偉惜乎不見正遂與中庸詭退之醇孟軻而駁荀楊氏
至其趣舍間亦又蔽於已化而不自知此語孰云俚詠言
以自警吾詩非好詆

讀秦漢間事

秦徵天下材入作阿房宮宮成非一木山谷爲窮空子羽
一炬火驪山三月紅能令掃地盡豈但焚人功

幽谷引

雲翳翳兮谷之幽天將雨我兮田者之稠有繩於防兮有
畚於溝我公不出兮誰省吾憂日暉暉兮山之下歲則熟
兮收者舞吾收滿車兮棄者滿筐誰吾與樂兮我公燕語
山有木兮谷有泉公與客兮醉其間芳可搴兮甘可漱無

壯無穉兮環公以笑公歸而醉兮人則喜公好我州兮殆
其肯止公歸不醉兮我之憂豈其不懌兮將舍吾州公一
朝兮去我我歲歲兮來遊完公亭兮使勿毀以慰吾兮歲
歲之愁

明妃曲二首

明妃初出漢宮時淚濕春風鬢腳垂低何顧影無顏色尚
得君王不自持歸來卻怪丹青手入眼平生幾曾有意態
由來畫不成當時枉殺毛延壽一去心知更不歸可憐著
盡漢宮衣寄聲欲問塞南事只有年年鴻雁飛家人萬里
傳消息好在蘊城莫相憶君不見咫尺長門閉阿嬌人生
失意無南北

明妃初嫁與胡兒，羶車百兩皆胡姬。含情欲說獨無處，傳與琵琶心自知。黃金捍撥春風手，彈看飛鴻勸胡酒。漢宮侍女暗垂淚，沙上行人卻回首。漢恩自淺胡自深，人生樂在相知心。可憐青冢已蕪沒，尚有哀絃留至今。

桃源行

望夷宮中鹿爲馬，秦人半死長城下。避時不獨商山翁，亦有桃源種桃者。此來種桃經幾春，採花食實枝爲薪。兒孫生長與世隔，雖有父子無君臣。漁郎漾舟迷遠近，花開相見因相問。世上那知古有秦，山中豈料今爲晉。聞道長安吹戰塵，春風回首一霑巾。重華一去寧復得，天丁紛紛經

幾秦

食黍行

周公兄弟相殺戮，李斯父子夷三族。富貴常多患禍嬰，貧賤亦復難爲情。身隨衣食南與北，至親安能常在側。謂言黍熟同一炊，歛見隴上黃離離。遊人中道忽不返，從此食黍還心悲。

歎息行

官驅羣囚入市門，妻子慟哭白日昏。市人相與說囚事，破家劫錢何處村。朝廷法令亦寬大，汝臯當死誰云冤。路傍年少歎息汝，正觀元元之子孫。

送春

武陵山下朝買船風吹宿霧山花鮮萬家笑語橫青天綺
窗羅幕舞嬋娟小鬟折花叩船舷玉璣寫酒醺金錢朱蕘
飛動浮雲巘天外篴簫來宛轉斷橋人行夕陽路樓觀瑠
璃影中見酡顏未分驕驕催燭入坐客猶徘徊豈知閭闔
門邊住春盡不見芳菲開日月紛紛車走坂少年意氣何
由挽洞庭浪與天地白塵昏萬里東浮眼黑貂裘敝歸幾
時相見綠樹啼黃鸝榮華俯仰憂患隨命駕吾與高人期

兼并

三代子百姓公私無異財人主擅操柄如天持斗魁賦予
皆自我兼并乃姦回姦回法有誅勢亦無自來後世始倒
詩黔首遂難裁秦王不知此更築懷清臺禮義日已偷聖

經久堙埃法尚有存者欲言時所哈俗吏不知方掎克乃
爲材俗儒不知變兼并可無摧利孔至百出小人私闔開
有司與之爭民愈可憐哉

王臨川全集卷五

古詩

和吳御史汴渠

鄭國欲弊秦渠成秦富疆本始意已陋末流功更長維汴
 亦如此浚源在淫荒歸作萬世利誰能弛其防夷門築天
 都橫帶國之陽漕引天下半豈云獨荆揚貨入空外府租
 輸陳太倉東南一百年寡老無殘糧自宜富京師乃亦窘
 蓋藏征求過夙昔機巧到廷芒御史閱其然志欲窮舟航
 此言信有激此水存何傷救世詎無術習傳自先王念非
 老經綸豈易識其方我懶不足數君材仍自強他日聽施
 設無乃棄篇章

酬王詹叔奉使江南訪茶利害

余聞古之人措法貽厥後命官惟賢材職事又習狃止能
權輕重王府則多有豈嘗摧其子而爲民父母當時所經
營今十已毀九其一雖幸在漂搖亦將朽公卿患才難州
縣固多苟詔令雖數下紛紛誰與守官居甚傳舍位以聲
勢受旣不責施爲安能辨賢不區區欲採弊萬謗不容口
天下大安危誰當執其咎勞心適有罪養譽終天醜豈惟
祖子孫教戒及朋友貴者大其領詩人歌四牡至尊空獨
憂不敢樂飲酒哿矣富阡陌哀哉此無糗鄉閭人所懷今
或棄而走豈無濟時術使爾安畎畝故今二三公戮力思
矯揉永惟東南害茶法蓋其首私藏與竊販犴獄常紛紀

輸將一不足往往死鞭紐販陳彼雜惡強賣曾非誘已云
因關市且復播林藪將更百年弊謂民知可否出節付羣
材詢謀欲經久朝廷每若此自可躋仁壽因知從今始漸
欲人財阜吾宗恢奇士選使自朝右聰明諒多得辱上歸
析剖王程雖薄遽邦法難鹵莽願君博諮諏無擇壯與耆
余知君恤民不好爲煩擾獨當征求任尚恐難措手孔稱
均無貧此語今可取譬欲輕萬鈞當令眾人負強言豈宜
當聊用報瓊玖

酬王伯虎

吾聞人之初好惡尚無朕帝與鑿耳目賢愚遂殊品爾來
百千年轉化薄愈甚父翁相販賣浮許誰能審睚眦猴纓

冠狼籍鼠穴寢滄海恐值到誰論魚鼈淦鴉聲雖云惡革
去在食甚嗟誰職教化獨使此風稔恬觀不知救坐費太
官廩子生少而戇好古乃天稟念此俗衰壞何嘗敢安枕
有時不能平悲吒失食飲唯子同我病亦或涕沾衽謂予
可告語密以詩來諗爛然辭滿紙秋水濯新錦窮觀何拳
拳靜念復凜凜賤貧欲救世無寧猶拾瀋說窮且版築尹
屈唯烹飪逢時豈遽廢避俗聊須噤徂年幸未暮此意可
勤恁

荅虞醇翁

輟學以從仕仕非吾本謀欲歸諒不能非敢忘林丘臨餐
恥苟得冀以盡心疇萬事等畫邊雖勤亦何收揚揚吉之
人彼職乃無憂感子撫我厚欲言祇慚羞

送潮州呂使君

韓君揭陽居戚嗟與死隣呂使揭陽去笑談面生春當復
進趙子詩書相討論不必移鱷魚詭怪以疑民有若大顛
者高材能動人亦勿與爲禮聽之汨彝倫同朝敘朋友異
姓接婚姻恩義乃獨厚懷哉余所陳

寄曾子固二首

巖巖中天閣藹藹層雲樹爲子望江南蔽虧無行路平生
湖海士心迹非無素老矣不自知低徊如自悞傷懷西風
起心與河漢注哀鴻相隨飛去我終不顧

二

崔嵬天門山江水遶其下寒渠已膠舟欲往豈無馬時恩
繆拘綴私養難乞假低徊適爲此含憂何時寫吾能好諒
直世或非詭詐安得有一廬相隨問耕者

虎圖

壯哉非羆亦非羆目光夾鏡當坐隅橫行妥尾不畏逐顧
盼欲去仍躊躇卒然我見心爲動熟視稍稍摩其鬚固知
畫者巧爲此此物安肯來庭除想當槃礴欲畫時睥睨眾
史如庸奴神閑意定始一掃功與造化論錙銖悲風颭颭
吹黃蘆上有寒雀驚相呼槎牙死樹鳴老鳥向之俛囁如
哺鷓山牆野壁黃昏後馮婦遙看亦下車

次韻信都公石枕斲簟

端溪琢枕綠玉色蘄水織簟黃金紋翰林所寶此兩物笑
視金玉如浮雲都城六月招客語地上赤日流黃塵燭龍
中天進無力客主歎然各疲劇形骸直欲坐棄忘冠帶安
能強修飾恃公寬貸更不疑箕倨豈復論官職笛材平瑩
家故藏硯璞拗清此新得掃除堂屋就陰翳公不自眠分
與客知公用意每如此真能與物同其適豈比法曹空自
私卻願天日長炎赫公才卓犖人所驚久矣四海流聲名
天方選取欲扶世豈特使以文章鳴深探力取常不寐思
以正議排縱橫奈何甘心一榻上欲臥穎尾爲潔清賢愚
勞佚非一軌顧我病昏惟未死心於萬事久翛然身寄一
官真偶爾便當買宅歸偃休白髮溪山如願始看公戮力

就太平卻上青天跨箕尾

和吳沖卿雪

陽回力猶遑陰合勢方鞏
真空忽汗漫造物誰從憑
輕於擘絮紛細若吹毛毳
雲連晝已昏風助宵仍洶
憑陵雖一時變態亦千種
簾深卷或避戶隘關猶擁
滔天有凍浪匝地無荒隴
飛揚類挾富委翳等辭寵
穿幽偶相重值險輒孤聳
積慘會將舒羣輕那久重
紛華始滿眼消釋不旋踵
槁樹散飛花空簷落縣
渾還當困炎熱以此滌煩
壅共約市南人收藏不爲冗

和沖卿雪詩并示持國

地卷江海浮天吹河漢湧
北風散作花巧麗世無種
霾昏得照曜塵滓歸掩擁
荒林無空枝幽瓦有高隴
分纔一毛細聚或千鈞
重飛颺窺已眩摧壓聽還克
漁舟平繫舷樵屨沒歸踵
空令物象瑩豈免川塗壅
爭光姮娥妬失色羲和恐
賴逢陽氣烝轉作水波溶
舞庭稱賀嚴掃路傳呼寵
衝遊謝壯少避臥甘閑冗
吳侯絕俗唱韓子當敵勇
勝負觀兩豪吾衰但陰拱

送石賡歸寧

虛名誤長者邂逅肯經過
所操十餘篇浩蕩決江河
側身朝市間樂少悲慚多
文章舊所好久已廢吟哦
簡編喜有得一讀瘳沉痾
裹飯北城陰永懷從晤歌
又欲及歲晚空堂掃絲窠
稍出平生言道藝相琢磨
忽隨雁南飛當此葉

辭柯去去黎嶺高想見青坡陀黃花一杯酒為壽樂如何
微詩尋瓦礫持用報隋和

送張拱微出都

歸臥不自得出門無所投獨等城隅水送子因遠遊荒林
纏悲風慘慘吹馳裘捉手共笑語顧瞻中河舟嗟人皆行
樂而我方坐愁腸胃繞鍾山形骸空此留念始讀詩書豈
非亦有求一來裏青衫觸事自悔尤誤為世所容榮祿今
白頭塞責以區區一毛施萬牛不足助時治但為故人羞
寬恩許自劾終欲東南流子今涉冬江船必泊蔡洲寄聲
治城人為我問一丘

寄題睡軒

劉侯少忼慨天馬脫馬羈一官不得意州縣老委蛇新居
當中條牆屋稍補治疏軒以睡名從我遠求詩朝廷法令
具百吏但循持又況佐小邑有才安所施則租如簿領獄
訟了鞭笞倏然即高枕於此樂可知王官有空谷隱者常
棲遲拂楊夢其人亦足慰所思嗟予久留連竊食坐無為
浩歌臨西風更欲往從之

冲卿席上得作字

咨予乏時才始願乃丘壑強走十五年朱顏已非昨低徊
大梁下屢歎風沙惡所欣同舍郎誘我文義博古聲無恚
淫真味有淡泊追攀風月久貌簡非心略君恩忽推徙所
望頗乖錯尚憐得經過未比參辰各留連惜餘景從子至

王臨川集卷五
日落明燈照親友環坐傾杯酌別離寬後悲笑語盡今樂
論詩知不如興至亦同作

塞翁行

塞翁少小壟上鋤塞翁老來能捕魚魚長如人水滿眼桑
柘死盡生芙蓉漢家新堤廣能築胡兒壯馬休南牧北風
卷卻波浪聲祇放田車行輓輓

白溝行

白溝河邊蕃塞地送迎蕃使年年事蕃使常來射狐兔漢
兵不道傳烽燧萬里鉏耰接塞垣幽燕桑葉暗川原棘門
灞上徒兒戲李牧廉頗莫更論

河間

北行出河間千歲想賢王胡麻生蓬中詰曲終自傷好德
尚如此恃材宜見戕乃知陰自脩彼不爲傾商區區三世
家廟冊富文章教子以空言得祚果不長

陳橋

走馬黃昏渡河水夜爭歸路春風裡指點韋城太白高投
鞭日午陳橋市楊柳初回陌上塵胭脂洗出杏花勻紛紛
塞路堪追惜失卻新年一半春

澶州

去都二百四十里河流中間兩城峙南城草草不受兵北
城樓櫓如邊城城中老人爲予語契丹此地經鈔虜黃屋
親乘矢石間胡馬欲踏河冰渡天馬一矢胡爲首河冰亦

王臨川全集卷五
彼沙水流歡盟從此至今日丞相萊公功第一

王臨川全集卷五終

王臨川全集卷六

古詩

北客置酒

紫衣操鼎置客前巾韝稻飴隨梁饌引刀取肉割啖客銀
盤擘脯蕞與鮮殷勤勸侑邀一飽卷牲歸館觴更傳山蔬
野果雜飴蜜獲脯豕腊加魚煎酒酣眾史稍欲起小胡梓
耳爭留連爲胡止飲且少安一杯相屬非偶然

奉使道中寄育王山長老常坦

道人少賈海上游海舶破散身沈浮抱金滿篋人所寄吹
簞偶得還中州羸身歸金不受報祇取斗酒相獻酬歡娛
慈母終一世脫棄妻子藏巖幽蒼煙寥寥池水漫白玉菡

三
昔吹高秋夜燃柏子煑山藥憶此東望無時休塞垣春枯
積雪流沙礫盛怒黃雲愁五更匹馬隨雁起想見鄧郭花
今綢百年夸奪終一丘世上滿眼真悠悠寄聲萬里心綢
繆莫道異趣無相求

送李屯田守桂陽二首

泊船香爐峰始與子相識寄書邗江上詒我峰下石緣以
湘水竹攜持與南北永懷故人歡不願百金易竹枯歸樵
蘇石爛棄沙礫夷門得邂逅綠髮皆半白追思少時事俛
仰如一夕老矣無所爲空知念疇昔常思一杯酒要子相
解釋出門事紛紛歸臥意還飢聞當上湓水持詔守嶺阨
方爲萬里別執手先慘戚茲游信浩蕩山丞多所得爲我

謝香爐風塵每相憶

二

蒼黃離家問南北中路思歸歸不得風濤何處不驚人雨
雪前村更欺客舊交旌旆此盤桓見我卽令兒解鞍荒山
樂官歌舞拙提壺沽酒聊一歡行藏欲語眉不展互歎別
離心纒纒行年半百勞如此南畝催耕未宜晚

送吳仲庶出守潭州

吳公治河南名出漢廷右高才有公孫相望千歲後平明
省門開吏接堂上肘指攜談笑間靜若在林藪連牆畫山
水隱几詩千首浩然江湖思果得東南守傳鼓上清湘旌
旗蔽牛斗方今河南治復在今人口自古楚有材鄢淶多

美酒不知樽前客更得賈生否

雜詠三首

懷王自墮馬賈傅至死悲古人事一職豈敢苟然爲哭死
非爲生吾心良不欺滔滔聲利間絳灌亦何知

二

先生善鼓瑟齊國好吹竽操竽人齊人雅鄭亦復殊豈不
得祿賜歸臥自歔歔寥寥朱絲絃老矣誰與娛

三

商陽殺三人每輒不忍視亦云食君食報禮當如此波瀾
吹九州金石安得止永懷南山阿慷慨中夜起

卽事三首

我起影亦起我留影逡巡我意不在影影長隨我身交游
義相好骨肉情相親如何有乖睽不得同苦辛

二

昏昏白日臥皎皎中夜愁明月人枕席涼風動衾幃蜚蟬
相鳴悲上下無時休徒能感我耳顧爾安知秋

三

日月隨天旋疾遲與天謀寒暑自有常不顧萬物求蜉蝣
蔽朝夕螻蛄疑春秋眇眇上古厯回環今幾周

送鄭叔熊歸閩

鄭子喜論兵魁然萬人敵嘗持一尺箠跨馬河南北方今
邊利害口手能講畫疑師穀城翁方略已自得天兵卷甲

老壯士不肉食低徊向詩書文字銳鑄刻科名又齟齬棄
置非人力黃塵彫芻裘逆旅同偪仄秋風吹殘汴霰雪已
驚客浩歌隨東舟別我無慘惻閩生今好遊往往老妻息
南陔子所慕天命豈終塞

寄二弟時往臨川

蕭條冬風高吹我冠上霜我行歲已寒悲汝道路長持以
一作此犬馬心千里不得將使汝身百憂辛苦冒川梁青燈
照詩書仰屋涕數行不有親戚思詎知遠遊傷

李氏沅江書堂

沅江水有梁與管沅山樹桑可蠶耕君於其間恥射利獨
岸清泚留朱萼詩書當前日開闔冠帶滿坐相逢迎勉求

高論出施設無以私智爲公卿

休假大佛寺

罷憊得休假衣冠倦趨翔挾書聊自娛解帶寺東廊六龍
高徘徊光景在我裳冬屋稍暄暖病骨更强梁從我有不
思捨我有不忘問誰可與言攜手此徜徉婉婉吾所愛新
居乃鄰牆寄聲能來遊維用寫愁腸

別謝師宰

閭闔城西地如水雞鳴黃塵波浪起窮年一馬望扶桑東
得省門身輒止簿書期會老紛紛邂逅論心喜有君數日
未多還捨我相看愁思亂於雲

解使事泊棠陰時三弟皆在京師二首

始吾泊棠陰三子不在舟今當捨之去三子還遠遊茫然
千里水今見荻花洲俛仰換春冬紛紛空百憂懷哉山川
異往矣霰雪稠登高一涕泗寄此寒江流

二

泊船棠陰不灘水清且淺回首望孤城浮雲一何緬久留
非吾意欲去猶繾綣馳心故人側一望三四反蕭蕭東堂
竹異日留息偃無恩被南國疑此行當翦

驪駒

龍德不可係變化誰能謀一本無驪駒亦駿物卓犖地上
遊怒行追疾風忽忽跨九州轍迹古所到山川略能周鴻
蒙無人梯沆漭遶天浮巉巖拔青冥仙聖所止留欲往輒

不能視龍乃知羞

寄朱氏妹

昔來高郵居我始得朱子從容談笑間已足見奇偉行尋
城陰田坐釣渠下泚歸來同食眠左右皆圖史入視爾諸
幼歡言亦多社當時獨張倩遠在廬山趾沈君未言昏名
已習吾耳安知十年來乖隔非願始相逢輒念遠悲吒多
於喜今茲豈人力所念皆聚此諸甥昔未有滿眼秀而美
低徊吾親側亦足慰勞止嗟予迫時恩一傳日千里爾舟
亦已戒五兩翩然起蕭蕭東南縣望爾何時已空知夢爲
魚逆上西安水

贈陳君景初

吾嘗奇華佗腸胃真割剖神膏既傳之頃刻活殘朽昔聞
今則信絕伎世嘗有堂堂潁川士察脉極淵藪珍丸起病
瘡鱗蟲隨泄嘔攣足四五年下針使之走一言儻不合萬
金莫可誘又復能賦詩往往吹瓊玖卷紙誇速成語怪若
神授名聲動京洛蹤跡晦葭莠相逢但長嘯遇飲輒掩口
獨醒竟何如無乃寡俗偶顧非避世翁疑是壁中叟安得
斯人術付之經國手

贈張康

昔在歷陽時得子初江津手中紫團參一飲寬吾親捨舟
城南居杖屨日相因百口代起伏呻呼聒此鄰叩門或夜
半屢費藥物珍欲報恨不得腸胃盤車輪今逢又坎珂令
子馳風塵顛倒車馬間起先冰雪晨嗟我十五年得祿尚
辭貧所讀漫累車豈能蘇一人無求愧子義有施慚子仁
逝將收桑榆邀子寂寞濱

送程公闢守洪州

畫船插幟搖秋光鳴鏡傳鼓水洋洋豫章太守吳郡郎行
指斗牛先過鄉鄉人出郭航酒漿魚鼈鱸魚炊稻梁芡頭
肥大菱腰長醕醢喧呼坐滿牀怪君三年滯瞿塘又驅傳
馬登大行纓旄脫盡歸大梁翻然出走天南疆九江左投
貢與章揚瀾吹漂浩無旁老蛟戲水風助狂盤渦忽圻干
丈強君聞此語悲慨慷迎吏乃前持一觴鄙州歷選多儁
良鎮撫時有諸侯王拂天高閣朱鳥翔西山蟠繞鱗鬣蒼

下視城塹真金湯雄樓傑屋鬱相望中戶尚有千金藏漂
田種杭出穰穰沉檀珠犀雜萬商大舟如山起牙檣一本無此
句輪瀉交廣流荆揚輕裙利屣列名倡春風蹋謠能斷腸
平湖灣塢煙渺茫樹石珍怪花草香幽處往往聞笙簧地
靈人秀古所臧勝兵可使酒可嘗十州將吏隨低昂談笑
指麾回雨暘非君才高力方剛豈能跨有此一方無爲聽
客欲霑裳使君謝吏趨治裝我行樂矣未渠央

鳳皇山

驅馬信所適落日望九州青山滿天地何往爲吾上貧賤
身祇辱富貴道足羞涉世諒如此惜哉去無由

夢中作

青門道北雲爲屋大壚貯酒千萬斛獨龍注雨如車軸不
畏不售畏不續

彭蠡

茫茫彭蠡春無地白浪春風濕天際東西捩柁萬舟回千
歲老蛟時出戲少年輕事鎮南來水怒如山帆正開中流
蜿蜒見脊尾觀者膽墮予方哈衣冠今日龍山路廟下沽
酒山前住老矣安能學飲飛買田亟棄江湖去

牛渚

歷陽之南有牛渚一風微吹萬舟阻華戎蠻蜀支百川合
爲大江神所躔山盤水怒不得泄到此乃有無窮淵朱衣
乘車作官府操制生殺非無權陰靈祕怪不欲露燬犀得

禍豈偶然

東門

東門白下亭摧壁蔓寒葩淺沙杙素舸一水宛秋蛇漁商
數十室門巷隱桑麻翰林謫仙人往歲酒姥家調笑此水
上能歌楊白花楊花飛白雪枝裏綠煙斜舞袖卷煙雪綺
裘明紫霞風流翳蓬顆故地使人嗟迢迢陌頭青空復可
藏鷗

和王微之登高齋三首

寒雲沈屯白日埋河漢蕩圻天如筵衡門兼旬限泥潦臥
聽窾木鳴相挨蕭辰忽掃纖翳盡北嶺初出青崔嵬微之
新詩動我目爛若火齊金盤堆想攜諸彥眺平野高論歷

詆秦以來觥船淋浪始快意忽憶歸雲胡爲哉念君少壯
輟游衍發揮春秋名玉杯書成不得斷國論但此空語傳
八垓登臨興罷因感觸更欲遠引追宗雷君知富貴亦何
有諂譽未足償譏排風豪雨橫費調燮坐使髮背爲黃台
留賓往往夜參半雖有罇俎無由開江南佳麗非一日況
乃故園名池臺能招過客飲文字山水又足供歡怡剩留
官屋貯酒母取醉不竭當如淮

二

六朝人物隨煙埃金輿玉几安在哉鍾山石城已寂寞祇
見江水雲端來百年故老有存者尚憶世宗初伐淮魏王
兵馬接踵出旗纛千里相塘挨當時謀臣非不眾上國拔

取多陪臺龍騰九天跨四海一水欲阻爲可哈降王北歸
樓殿圻棄屋尚鎖殘金堆神靈變化自真主將帥何力求
公台山川清明草木靜天地不復屯雲雷使君登高訪古
昔傷此陳迹聊持杯因留嘉客坐披寫鄙滌笑語傾如筵
酒酣重惜功業晚老矣萬卷徒兼該攢峰列壑動歸興憂
端落筆何崔嵬餘年無歡易感激亦愧莊叟能安排青燈
明滅照不寐但把君詩闔且開

三

干戈六代戰血埋雙闕尚指山崔嵬當時君臣但兒戲把
酒空勸長星杯臨春美女閉黃壤玉枝自一作藥繁如堆
後庭新聲散樵牧興廢倏忽何其哀咸陽龍移九州圻遺

種變化呼風雷蕭條中原碣無水岬強又此憑江淮廣陵
衣冠掃地去穿築隴畝爲池臺吳儂傾家助經始尺土不
借秦人筵珠犀磊落萬艘入金壁照耀千門開建隆天飛
跨兩海南發交廣東温台中間業業地無幾欲久割據誠
難哉靈旗指麾盡貔虎談笑力可南山排樓船蔽川莫敢
動扶伏但有謀臣來百年滄洲白潮汐事往不與波爭迴
黃雲荒城失苑路白草廢時空壇垓使君新篇韻險絕登
眺感悼隨嘲哈嗟予愁憊氣已竭對壘每欲相劇挨揮毫
更想能一戰數窘乃見詩人才

王臨川全集卷六終

王臨川全集卷七

古詩

董伯懿示裴晉公平淮右題名碑詩用其韻和酬
元和伐蔡何危哉朝廷百口無一諧盜傷中丞偶不死利
劔白日投天街裏瘡入相議軍旅國火一再更檀槐上前
慷慨語發涕誓出按撫除睽乖指撝光顏戰洄曲闕如怒
虎搏虺豺愬能捕虜取肝鬲護送密乞完形骸笞兵夜半
投死地雪濕不敢燃薪薪空城豎子已可縛中使尚作嘍
兒哇退之道此尤儁偉當鏤玉牒東燔柴欲編詩書播後
嗣筆墨雖巧終類俳唐從天寶運中圯廊廟往往非忠佳
諸侯縱橫代割據疆土豈得無離孤德宗末年懲戰禍一

三石齋集卷一
矢不試塵蒙鞞憲皇初起眾未信意欲立掃除昏霾追還
清明救薄蝕屢勅主府拘窮蛙王師傷夷征賦窘千里亦
忌毫釐差小夫偷安自非計長者遠慮或可懷桓桓晉公
忠且壯時命適與功名偕是非末世主成敗烜赫今古誰
譏排賢哉韋純議北赦倉卒兩伐尤難皆重華聲明彌萬
國服苗干羽舞兩階宣王側身內脩政常德立武能平淮
昔人經綸初若緩欲棄此道非吾儕千秋事往蹤跡在嶽
石款記如湘崖文嚴字麗皆可喜黃埃蔽沒蒼蘚埋當時
將佐盡豪傑想此兵禱陪祠齋君曾西遷爲拓本濡麝割
蜜親劇指新篇波瀾特浩蕩把卷熟讀迷津涯褒賢樂善
自爲美賞佳廟壁爲詩牌

用王微之韻和酬卽事書懷

秦惜逝者耄晉嘉良士休古人皆好樂哀此歲月道嗟我
抱愁毒殘年自羈囚但爲免得蹄非復天上鷗雖知林塘
美欲往輒回輒名園一散策笑語隨觥籌探題遶梅花高
詠接應劉宿雨洗荒塹寒蛟沈老湫泂洄信畫舸歸路子
城幽冬風不改綠忽見新陽浮歡事去如夢嘉時念難留
明發得君句謂將續前遊語我飲倡樂不如詩獻酬淮洲
秦鍾磬雅刺德不猶文墨有真趣荒淫何足收來篇信詩
女窈窕眾所求茲理儻可諧華簪爲君抽

和仲庶卽席分題得庶字

刀筆漫無營圖書紛不御平生攜手人邂逅賞心處名卿

邵朱邑膚使超嚴助都官富篇章博士熟經據豈特好微
言又多知大慮從容故天幸倜儻盡人譽千艘來交荆萬
舸去揚豫良無此嘉客式飲吾所庶

出鞏縣

昭陵落月煙霧昏篝火度谷行山根投鞭委轡涉數村寤
出鞏縣城東門向來官闕不可見但有洛水流渾渾

書任村馬鋪

兒童繫馬黃河曲近岸河流如可掬任村炊米朝食魚日
暮滎陽驛中宿投老經過身獨在當時洲渚今平陸秣黍
冥冥十數家仰視荒蹊但喬木冰盤羹美客自知起看白
水還東馳爾來百口皆年少歸與何人共此悲

葛蘊作巫山高愛其飄逸因亦作兩篇

巫山高十二峰上有往來飄忽之猿猱下有出沒灑澗之
蛟龍中有倚薄縹緲之神宮神人處子冰雪容吸風飲露
虛無中千歲寂寞無人逢邂逅乃與襄王通丹崖碧嶂深
重重白月如日明房龔象牀玉几來自從錦屏翠幔金芙
蓉陽臺美人多楚語祇有纖腰能楚舞爭吹鳳管鳴鼉鼓
那知襄王夢時事但見朝朝暮暮長雲雨

二

巫山高偃薄江水之滔滔水於天下實至險山亦起伏爲
波濤其巔冥冥不可見崖岸斗絕悲猿赤楓青櫟生滿
谷山鬼白日樵人遭窈窕陽臺彼神女朝朝暮暮能雲雨

以雲爲衣月爲褚乘光服暗無畱阻崑崙曾城道可取方
丈蓬萊多伴侶塊獨守此嗟何求況乃低徊夢中語

西風

少年不知秋喜聞西風生老大多感傷畏此蟋蟀鳴況乃
捨親友抱病獨遠行中夜臥不周惻惻感我情起視天正
黑弱雲亂縱橫似有霰雪飄不復星斗明時節忽如此重
令壯心驚諒無同憂人樽酒安可傾

久雨

煤炷著天無寸空白沫上岸吹魚龍羲和推車出不得河
伯欲取山爲宮城門晝開眼百賈饑孫得糟夜哺翁老人
慣事少所怪看屋箕踞歌南風

和王勝之雪霽借馬入省

泥水填馬不受轍瓦雪得火猶藏溝宿霧紛紛度城闕朔
氣凜凜吹衣裘窮閭閉門無一客剝啄驚我有前騶強隨
傳呼出屋去鼻息凍合髭繆繆投韁馬鬣任欹側欲出操
筆手還抽行思江南悲故事溪谷冬暖花常流前年臘歸
三見白霽色嶺上班班畱杖藜此時將邑子登眺置酒身
優游豈如都城今日事祇恐一蹶爲親憂因知田里駕款
段昔人豈卽非良謀君家洛陽名實大談笑枯槁回春柔
平生意氣故應在白髮未敢相尋求從容退食想佳節豈
無歌聲相獻酬奈何亦作苦寒調歎息朝夕無驩驪超然
遂有江湖意滿紙爲我書窮愁相如正應居客右子路且

莫乘桴浮

和吳沖卿鷓鴣鳴樹石屏

寒林昏鷓相與還下有跂石蒼屏顏曾於古圖見髣髴已
怪刀筆非人間君家石屏誰爲寫古圖所傳無似者鷓飛
歷亂止且鳴林葉慘慘風煙生高齋日午坐中見意似落
日空上行君詩雄盛付君手云此非人乃天巧嗟哉渾沌
死乾坤至造作萬物醜妍巨細各有理問此誰主何其精
恢奇譎詭多可喜人於其間乃復雕鐫刻畫出智力欲與
造化追相傾拙者婆婆尚欲奮工者固已窮夸矜吾觀鬼
神獨與人意異雖有至巧無所爭所以號山間埋沒此寶
千萬歲不爲見者驚吾又以此知妙偉之作不在百世後
造始乃與元氣并畫工粉墨非不好歲久剝爛空留名能
從太古到今日獨此不朽由天成世人尚奇輕貨力山珍
海怪採掇今欲索此屏後出爲君得胡賈欲價著不識吾
知金帛不足論當與君詩兩相直

送李宣叔倅漳州

關山到漳窮地與南越錯山川鬱霧毒瘴癘春冬作荒茅
篁竹間蔽虧有城郭居人特鮮少市井宜蕭索野花開無
時蠻酒持可酌窮年不用客誰與分杯杓朝廷尚賢俊磊
砢充臺閣君能喜節行文藝又該博超然萬里去識者爲
不樂子聞君子居自可救民瘼苟然禦外物得地無美惡
似聞最南方北客今勿藥林麓換風氣獸蛇凋毒蠹如漳

玉露川集卷七
猶近州氣冷又銷鑠珍足海物味其厚不爲薄章舉馬甲
柱固已輕羊酪蕉黃荔子丹又勝楂梨酢逢衣比多士往
往在巨壑從容與笑語豈不慰寂寞太守好觴詠嘉賓應
在幕想卽有新詩流傳至京洛

送裴如晦宰吳江

霜一作震

澤與天杳旁臨無限情他時散髮處最愛垂虹亭

飄然平生遊捨我戴吳星欲往獨不得都門看揚舸到縣
問疾苦爲子求所經當知耕牧地往往菱蒲青三江斷其
二泮水何由寧微子好古者此歌尚誰聽

韓持國從富并州辟

韓侯冰玉人不可塵土雜官雖眾俊後名字久旬磕并州

天下望撫士威愛愜千金棄不惜賓客常滿閣遙聞餘風
高爲子置一榻親交西門錢百馬驕雜選子材宜用世談
者爲鳴咍矧今名主人氣力足呵欲推賢爲時輔勢若朽
易拉會當薦還朝立子在闔闔惜哉秣騏驥賦以升龠合
咨予栖栖者氣象已摧場他年佐方州說將尚不納況於
聲勢尊豈易取酬答有如持寸莛未足感鞶鞶顧於山水
間意願多所合匡廬與韶石少小已嘗蹋風遊會稽春雪
宿天柱臘淮湖江海上慣食蝦蟹蛤西南窮岷嶓東北盡
濟漯身雖未嘗歷魂夢已稠沓荆溪最所愛映燭多廟塔
溪果點丹漆溪花團繡罨扁舟信所過行不廢樽榼一從
捨之去霜雪行滿頰思之不能寐蹙若蚩蚩嗜方將築其

王臨川集卷七
六
濱畢景謝噶安能孤此意顛倒就衰颯唯子余所嚮嗜
好比鷓鴣何時歸相過遊屐尚可蠟

寄吳冲卿

物變極萬殊心通纔一曲讀書謂已多撫事知不足與君
語承華念此非不夙恨無數頃田歸耕使成熟當官拙自
計易用忤流俗窮年走區區得謗大於屋歸來汙省舍又
繼故人躅相逢止數步吏按常填目切磋非吾傷阻闕嗟
何速孤危失所助把卷常恨獨虛名終自誤謬恩何見蹙
清明有冲卿與美如晦叔時謂當選升屈指尚五六揆才
最不稱饗寵寧無慙殷勤故人書紙尾又見勗君雖好德
言我自望忠告易稱動不括傳論大明服進爲非成材罪

恐不容贖歲殘東風生陝樹塵翳翹何緣一杯酒談笑相
追逐

韓持國見訪

余生非匏瓜於世不無求弱力憚耕稼衣食當周流起家
始二十南北今白頭愁傷意已敗罷病恐難瘳江湖把一
節屢乞東南州治民豈吾能閒僻庶可偷謬恩當徂冬甞
勉始今秋豈敢事高騫茫然乖本謀撫心私自憐仰屋竊
歎愀強騎黃饑馬欲語將誰投賴此城下宅數蒙故人畱
攬衣坐中庭仰視白雲浮白雲御西風一一向滄洲安得
兩黃鵠跨之與雲遊

思王逢原

自吾失逢原觸事輒愁思豈獨爲故人撫心良自悲我善孰相我孰知我瑕疵我思誰能謀我語聽者誰朝出一馬驅暝歸一馬馳馳驅不自得談笑強追隨仰屋臥太息起行涕淋漓念子冢上土草茅已紛披婉婉婦且少熒熒一女嫠高義動閭里尚聞致財貲嗟我衣冠朝略能具饋糜葬祭無所助哀顏亦何施聞婦欲北返跛子常望之寒汴已閉口此行又參差又說當產子產子知何時賢者宜有後固當夢熊羆天方不可恃我願適在茲我疲學更誤與世不相宜宿昔心已許同岡結茅茨此事今已矣已矣尚誰知渺渺江與潭茫茫山與陂安能久竊食終負故人期

登景德塔

放身千仞高北望太行山巴屋如螳豕蔽虧塵霧間念此屋中人當復幾人閑雞鳴起四散暮夜相與還物物各自我誰爲賢與頑賤氣卽易凌貴氣卽難攀愧予心未齊俛首一破顏

和劉貢甫燕集之作

馮侯天馬壯不羈韓侯白鷺下清池劉侯羽翰秋欲擊吳侯葩萼春爭披沈侯玉雪照人潔蕭灑已見江湖姿唯予貌醜駭公等自鏡亦正如蒙俱忘形論交喜有得杯酒遯迄今良時心親不復異新舊便脫巾屢相諧嬉空堂無塵小雨定濃綠翳水浮秋曦高談四坐掃炎熱木末更送涼風吹此歡不盡忽分散明月照屋空參差平明餘清在心

耳洗我重得劉侯詩劉侯未見聞已熟吾友稱誦多文辭
才高意大方用世自有豪俊相攀追咨子後會恐不數魂
夢久向東南馳何時扁舟卻顧我還欲迎子遊山陂

寄王逢原

北風吹雪埋九垓草木零落空池臺六龍避逃不敢出地
上獨有寒崔嵬披衣起行愁不愜歸坐把卷闔且開永懷
古人今已矣感此近世何爲哉申韓百家藝火起孔子大
道寒於灰儒衣紛紛欲滿地無復風焰空煤烺力排異端
誰助我憶見夫子真奇材榘相豫章槩白日祇要匠石聊
穿裁我方官拘不得往子有閑暇宜能來晤言相與入聖
處一取萬古光芒迴

寄正之

少時已感韓子詩東西南北俱欲往新年尤覺此語悲恨
無羽翼超惚恍肺肝欲絕形骸外涕洟自落衣巾上此憂
難與世共知憶子論心更惆悵

思古

古之士方窮材行已云貴大臣公聽采左右不得蔽或從
蒿藜間入據廊廟勢小夫不敢望云我非其彙朝遊儔者
羞暮出逢者避所以後世愚人人願高位

惜日

白日照四方當在中天畱春風地上行當與時周遊和氣
所披拂槁乾卻濕柔愛欲傳萬物勢難停一州樓榭孔子

者惜日此之由不能使此邦利澤施諸侯豈若駕以行使
我遇者稠當時三千人齊宋楚陳周小者傳吾粗大者傳
奧幽道散學以聖眾源乃常流吾初如匏瓜彼亦孰知
唯士欲自達窮通非外求暨必相天子乃能經九疇行雖
恥強勉閉戶非良謀

送裴如晦卽席分題三首

以黯然消魂惟別而已
爲韻擬而惟字韻作

飄然五湖長昨日國子師綠髮約略白青衫欲成緇牽舟
推河冰去與山水期春風垂虹亭一杯湖上持傲兀何賓
客兩忘我與而能復記此飲詩成酒淋漓

二

十月款水冰問君行何爲行不顧斗米自與五湖期平生

湖上遊幽事略能知此後君最樂窮年得游嬉彩鯨抗波
濤風作鱗之而鳴鼓上洞庭笑看紅橘垂漠漠大梁下黃
沙吹酒旗應憐故人愁回首一相思

三

邂逅君子堂一杯相與持便應取酪酏萬事不足惟平明
蔡河風回首成差池獨我漫浪者尚得行相追磨刀鱸嚴
冬宿昔少陵詩還當捕鱸魚載酒與我期甫里松菊盛洞
庭柑橘垂文章爲我唱不數陸與皮

王臨川全集卷七終

王臨川全集卷八

古詩

兩馬齒俱壯

兩馬齒俱壯自驕千里材生姿何軒軒或是龍之媒一馬立長衢顧影方徘徊一馬裂銜轡犇嘶逸風雷立豈飽芻豆戀棧常思迴犇豈欲野齧久羈羨駑駘兩馬不同調各為世所猜問之不能言使我心悠哉

春從沙磧底

春從沙磧底轉上青天際靄靄桑柘墟浮雲變姿媚游人出暄暖鳥語辭陰翳心知歸有日我亦無愁思所嗟獨季子尚客江湖滢萬里十鳳凰飄飄何時至



晨興望南山

晨興望南山不見南山根草樹露顛頂
樛枝空復繁銅瓶取井水已至尚餘温
天風一吹拂的樂成瓊璠

結屋山澗曲

結屋山澗曲挂瓢秋樹顛鳴不中律
呂時時驚我眠吾兒亦惡聒戮力
事棄捐止我爲爾歌不如恣其然
狂風動地至萬竅各啾喧一瓢雖易
除豈在有無間爍爍山下石冷泠
手中弦臨流寫所愛坐聽以窮年

朝日一暴背

朝日一暴背欣然忘夜寒樵松煮澗
水旣食取琴彈彈作南風歌歌罷坐
長歎寤彼栖栖者遺世良獨難

黃菊有至性

團團城上日秋至少光輝積陰欲滔
天況乃草木微黃菊有至性孤芳犯
羣威采采霜露閒亦足慰朝饑

少狂喜文章

少狂喜文章頗復好功名稍知古人心
始欲老蠶耕低徊但忘食邂逅亦專
城仰慙冥冥士俯愧擾擾甿良夜未
遽央青燈數寒更撥書置左右仰屋
慨平生

三戰敗不羞

三戰敗不羞一官遷輒喜古人思慰親
愧辱寧在已於陵避兄食織履仰妻
子恩義有相權潔身非至理

少年見青春

少年見青春萬物皆嫵媚身雖不飲酒樂與賓客醉一從
鬢上白百不見可喜心腸非故時更覺日月駛聞歡已倦
往得飽還思睡春歸只如夢不復悲憔悴寄言少年子努
力作春事亦勿怪衰翁衰強自然異

白日不照物

白日不照物浮雲在廖廓風濤吹黃昏屋瓦更紛泊行觀
蔡河上負土私有弱隋堤散萬家亂若春蠶箔仍聞決數
道且用寬城郭婦子夜號呼西南漫爲壑

草端無華滋

草端無華滋陰氣已盤固暄妍卻如春歲晚曾不寤一裘
可以暖貧士終難豫忽忽遠枝空寒蟲欲坏戶

一日不再飯

一日不再飯飯已八九眠忽忽返照閒頓羸不可遷筋骸
微纏束肺腑鼎鑪煎長往理不惜高堂思所牽

秋枝如殘人

秋枝如殘人顏色先憔悴微寒吹已空性命一何脆寧當
記疇昔葩葉相嫵媚歲行誰使然好殺豈天意

青青西門槐

人情甘阿諛我獨倦請謁尤於權門疎萬事亦已拙平生
江湖期夢寐不可遏青青西門槐少解馬上暘

天下不用車

天下不用車人人乘馬馳王良雖善御攬轡欲從誰漢武

三才圖會卷八
三
伐大宛殺人若京坻孝文卻走馬獨行先安之萬物命在天取舍各有時陰陽更用事冬暖豈所宜卞氏強獻玉兩朋亦已癡幸終遇良工已剖得不疑

山田久欲拆

山田久欲拆秋至尚求雨婦女喜秋涼踏車多笑語朔雲卷眾木慘淡吹平楚橫陂與直塹疑卽沒洲渚霍霍反照中散絲魚幾縷鴻蒙不可問但往知何許欲眠露下舸側見星月吐龍骨已嘔啞田家眞作苦

聖賢何常施

聖賢何常施所遇有伸屈曲土守一隅欲以齊萬物喪非不欲富言爲南宮出世無子有子誰敢救其失

散髮一扁舟

散髮一扁舟夜長眠屢起秋水瀉明河迢迢藕花底愛此露的皜復憐雲綺癡諒無與歌絃幽獨亦可喜

道人北山來

道人北山來問松我東岡舉手指屋脊云今如此長開田故歲收種果今年嘗告叟去復來耘鋤尚康強死狐正首丘遊子思故鄉嗟我行老矣墳墓安可忘

今日非昨日

今日非昨日昨日已可思明日異今日如何能勿悲當門五六樹上有蟬鳴枝朝聽尚壯急暮聞已衰遲仰看青青葉亦復少華滋萬物同一氣固知當爾爲我友南山居笑

談解人頤分我秋柏實問言歸何時衣冠污窮塵苟得猶
苦饑低徊歲已晚恐負平生期

秋日不可見

秋日不可見林端但餘黃杖藜思平野俛仰畏無光栗栗
澗谷風吹我衣與裳娟娟空山月照我冠上霜

騏驥在霜野

騏驥在霜野低徊向衰草入櫪聞秋風悲鳴思長道黃金
作鞭轡粲粲空外好人生貴得意不必恨枯槁

悲哉孔子沒

悲哉孔子沒千歲無麒麟蚩蚩盡鉏耨此物誰能珍漢武
得一角燔烹誣鬼神更以鑄黃金傳夸後世人

秋庭午吏散

秋庭午吏散予亦歸息偃豈無嘉賓客欲往心獨懶北窗
古人篇一讀三四反悲哉不蚤計失道行晚晚

秋日在梧桐

秋日在梧桐轉陰如急轂冥冥蔽中庭下視今可暴高蟬
不復嗜稍得寒鷗宿百遶有衰翁行歌待春綠

我欲往滄海

我欲往滄海客來自河源手探囊中膠救此千載渾我語
客徒爾當還治崑崙歎息謝不能相看涕翻盆客止我且
往濯髮扶桑根春風吹我舟萬里空目存

前日石上松

王臨川全集卷八
前日石上松斲移沙水際青青折釵股俯映幽人砌蟠根
今鬯茂落子還蒼翠三年一楮葉世事真期費

日出堂上飲

日出堂上飲日西未云休主人笑而歌客子歎以欸指此
堂上柱始生在巖幽雨露飽所滋凌雲亦千秋所託願求
久何言值君收乃令卑濕地百蟻上窮搜丹青空外好鎮
壓已堪憂爲君重去之不使一蟻畱蟻力雖云小能生萬
蚍蜉又能高其礎不爾繼者稠語客且勿然百年等浮漚
爲客當酌酒何豫主人謀

王臨川全集卷八終

